

րաւորք 'ի մէջ բոցոյն , կամ դահավէժ դարահոս մեռանէին : Դադարեաց հուրն և սուրն և մնացին երկու և եթ դրունք Տաճարին և մասն մի դաւթին կանանց : Իսկ յանդրգնագոյնք 'ի խոովչացն անցեալ գործեցին պատնէչ 'ի քաղաքին ամրանալ անդէն , իրբև չտուաւ նոցա թոյլ երթալ 'ի բաց ազատութեամբ , ամրացան 'ի դեակն Սիօնի 'ի վերին քաղաքի , և կոտորեցին անդ իսկ և իսկ 8000 ոգի յազգակցաց իւրեանց՝ որ անդէն ամրացեալ էին : Երուսաղէմ տուաւ յաւար զօրացն , և ապա լուցեալ այրեցաւ անթիւ և անհամար դիակամբքն : Յետ այնորիկ կատարեալ Տիտոս զպատրաստութիւն մեքենայիցն՝ սկսաւ հարկանել զդեակն Սիօն . վհատեցան խոովիչքն , իրբև չկարացին վախշիլ՝ մտին 'ի գեանափոր տեղիս եւ ընդ կամարօք . հեզան ղեզան Հոովմայեցիք 'ի փոզոցն եւ կոտորեցին մինչեւ ցերեկոյ եւ զգիշերն ամենայն տոչորէր հուր : Եւ մտեալ Տիտոսի 'ի քաղաքն զարմանայր ընդ ամրութիւն պարսպացն՝ մանաւանդ երեցունց գլխաւոր աշտարակաց , և ասէր . « Աստուծոյ օգնութեամբ մղեցաք զպատերազմն : Աստուած իսկ եհան զՀրէայն յամրոցաց աստի , զի զի՞նչ ձեռնհաս էր ձեռն մարդոյ կամ գործի յաշտարակս այսոսիկ » : Եւ չէառ յանձն ընդունիլ զպսակն յաղթութեան զոր առաքեցին նմա իշխանք Ասիացոց ըստ սովորութեան ժամանակին . զի ոչ իմ ինչ էր՝ ասէր , յաղթութիւնն , այլ Աստուծոյ :

Գերեալքն փակեցան 'ի դաւթին կանանց եւ անդէն ընտրեցան . ետ կոտորել Տիտոս զխոովիչսն և զաւագակսն . զերիտասարդսն սահմանեաց 'ի շուք յաղթանակին իւրոյ , իսկ որք 17 ամէնից 'ի վեր էին , հրամայեաց տանել յեգիպտոս 'ի գործ աշխատութեան և առաւելսն քան զնոսա տալ 'ի խազս սպանութեան թատերոց եւ զկարի մանկագոյնսն առնել վաճառակուր : Յաւուրսն ընտրութեան մեռան 'ի սովէ 11,000 ոգիք , կէսք ինքնակամ եւ կէսք առ պահապանացն դաժանութեան : Առաւել քան զհարիւր բիւր մարդկան 'ի պաշարմանն մեռան . իսկ թիւ համարոյ գերելոցն հասանէր 97,000 . և ըստ Յովսեփոսի 110 բիւր : Յովհաննէս Գիսկաղացի եւ Սիմոն առ քաղցուն վտանգի էլին յորջուց իւրեանց 'ի գեանափոր կամարացն . նա դա-